



UNIVERSITÉS DE PARIS
BIBLIOTHÈQUE DE LA SORBONNE
13, RUE DE LA SORBONNE - 75257 PARIS CEDEX 05
TEL : 01 40 46 30 27 - FAX : 01 40 46 30 44

Inv.

SIGB

Sibil

SU

790 29663


Cote

U 71 in-4

1153802694



H. Fau7 (20)



IN MORTEM
SERENISSIMI
DELPHINI.

Cum M. FRANCISCUS-NICOLAUS GUERIN,
antiquus Rector, Rhetorum alter in Collegio Mazarinæo,
Universitatis nomine, Magno PRINCIPi iusta persolveret
Oratione funebri, die decimâ mensis Martii anno Domini
millesimo septingentesimo sexagesimo-sexto.

O D E.



AM quò stupentem me rapit impetus!
Sacer quis horror pectora concutit!
En mente veloci tremenda
Ingredior monumenta Regum.

LETHALE vulnus, Patria, quo jaces
Transfixa, luctusque immedicabiles
Tellure vulgati sub imâ,
Funereos subeunt recessus.

Don. 9366.

ET ecce solvunt longâ silentia
Manes verendi : sedibus in suis
Lugubrè plangunt, & dolori
Non piget indoluisse nostro.

AUDITE! tristes in querimonias
Erumpit Umbrarum ante alias Cohors,
Quas flore vernantes juventæ
Dura nimis rapuere fata.

ILLE, Ille, Morbi victima flebilis,
Regalis Aulæ deliciæ breves,
BURGUNDUS, extinctum perenni
Pectora quem gemitu repossunt,

EXCLAMAT: Eheu! Gentis amor, PATER,
Spes LUDOVICI, spes quoque Galliæ;
Quem juncta Virtutum Corona
Finxit ab unguiculis futurum

EXEMPLAR Orbi : quo Duce nobilem
Laudis studebam carpere tramitem,
Olim Parentis redditurus
Egregias imitator Artes;

MATURIOR vis cur sociat PATREM
Natumque? Letho cur minùs ah! meo
Tonantis exarmasse Dextram
Fas fuit? ô veneranda MATER,

CUI causa fletûs nuper eram, caput
Quæ nunc Mariti morte vicariâ
Velis redemptum, quis levabit
Exanimam, lacrymasque pellet?

AH! LUDOVICI parce tuis gravem
Nutrire luctum questibus! & piæ
PARENTIS infandos dolores
Assiduo renovare planctu!

QUÆ rursus atro * vulnere faucia,
Negat superstes vivere : triplicem
Mors ducet immanis ruinam,
Ni revocas animam fugacem.

O Mors, abunde est ** : Sanguinis inclyti
Reconde mucronem heu! nimis ebrium.
Ludos ne ludas pertinaces
In caput ambitiosa Regum!

PLACATA tandem Numina dent Meis
Soles quietos. Omine prospero
Succrescat, urget quæ tenellis
Te manibus, Deus alme, Proles.

MATRIS sub umbrâ Relligio vigil,
Virtusque nutrix Artibus Hanc bonis
Pascant, & excelsos Avorum
Insinuent animos Alumnis.

ADEST querenti Borbonidum Decus,
Qui mente sedes sydereas habet;
Dum, pignus ingens, mille foeta
Prodigiis colit ossa Gallus.

* Ex nuperâ morte STANISLAI Patris Augustissimi tantum dolorem
hausit REGINA piissima, ut periculose decumbar.

** Omnem nunc ferme Europam atratam videas, plurimorum ob mortem
PRINCIPUM.

O Nate, dixit : quam PATER, Imperi
Contemptor audax, pectore gestiens
Aspexit, & cujus morari
Præcipites timuisset alas,

ABSOLVE mortem crimine. Quem sibi
Plorant ademptum, Francigenis erit
Tutela præsens : Terra latè
Supplicibus venerata votis

ILLUM vocabit. Debita scilicet
Virtute functo præmia nunc manent :
Felix laborum, puriorem
Lucem habitat meliusque regnum.

ILLINC fovebit Progeniem PATER,
Haud dulcis unquam Conjugis immemor;
Mecumque custos LUDOVICI
Imperium benè prosperabit.

FRANCISCUS-MARIA COGER, Licentiatuſ Theologuſ, & Hum-
nitateſ Profeſſor in ſecundâ Scholâ Collegii Mazarinæi.

Typis mandetur, LEBEL, RECTOR.

Ex Typographiâ Viduæ THIBOUST, Regiſ, nec-non Academiæ Pariſienſiſ
Typographi, 1766.

